

## АНА ТИЛИМ

Ана тилим, меним тилим,  
Меним чокърагъым.  
Меним гүлүм, меним илим,  
Меним байрагъым.  
Меним дагым, меним сырым —  
Ана тилим.  
Меним козум, меним тамрым —  
Ана тилим.

Шырыл-шырыл акъар сенинъ  
Татлы сөзлериңъ,  
Манъа къанат такъар сенинъ  
Серин елпериңъ.  
Меним тошком, меним дагым —  
Ана тилим.  
Меним геджём, меним багъым —  
Ана тилим.

Ана тилим Алга берген  
Къарам, беязым,  
Къаранлыкъта ёл косьтерген  
Чолпан йылдызым.  
Меним бахтым, гъам, къуванчым —  
Ана тилим.  
Меним тахтым, бар ишанчым —  
Ана тилим.

Сукъланырлар санъа къушлар,  
Санъа бакъарлар.  
Сукъланырлар манъа къушлар,  
Манъа бакъарлар.  
Мелеклерге лайыкъ тилим —  
Ана тилим.  
Девлетлерге лайыкъ тилим —  
Ана тилим.

Сенинъ къырыкъ къанатларыңъ  
Козьыш текелер,  
Чапалана имдатларыңъ,  
Сара окелер.  
Меним фезам, меним таньым,  
Ана тилим.  
Мунжерим ве Лукъманым  
Ана тилим.

Юрегимининъ пердесинен  
Сени сарарым.  
Савулмайджакъ дертлериңе  
Дерман аарым.  
Тебессюмим, япрачыгъым.  
Ана тилим.  
Бель, такъатым, ирмачыгъым.  
Ана тилим.

Сенсия къурып къалгъан къальбде  
Ягъсын ягъмурунъ,  
Чечекленсин, топсун гульге,  
Артсын гъуруры.  
Меним ханым, падшалыгъым,  
Ана тилим,  
Меним теджым, къабирташым,  
Ана тилим.

Сен улусынъ, кельмешекке  
Сени таптам,  
Огур-олмаз кевшеклерге  
Сени талатмам.  
Меним сахрам, зем-зем сувум,  
Ана тилим,  
Юдже кокком, терен къюм,  
Ана тилим.